



ILIDŽA

INFORMATIVNI BILTEN OPĆINE ILIDŽA



Ilidža u oktobru

Senaid Memić potvrdio mandat

Senaid Memić kandidat SDA/SBB, potvrdio je mandat načelnika Općine Ilidže sa 13.424 glasova. Elvis Hadžić, kandidat SDP BiH imao je 2.823, Anes Mašić iz Naše stranke 2.501, Edin Tursunović, Demokratska fronta 2.436, Irfan Đaltur, Prva stranka 1.878, Muhamed Kubat, Stranka za BiH 1.551, Šahzija Mrkonja, BPS-Sefer Halilović 831 glas. To su zvanični rezultati koje je potvrdila Centralna izborna komisija BiH. Prema rezultatima SDA je imala 10.281 glas, Demokratska fronta 2.493, SDP BiH 2.147, SBB-Fahrudin Radončić 2.070, Naša stranka 1.815, Prva stranka 1.215, Stranka za BiH 1.083, Napredna demokratska stranka 944, te BPS-Sefer Halilović 858 glasova. Općinsko vijeće Ilidža činit će 31 vjećnik.

SDA: Muhamed Omerović (2.700) Nermin Muzur (2.277), Alma Muratović (2.042), Edin Hošić (1.903), Da-

mir Laličić (1.827), Midhat Karić (1.787), Mahir Lokvančić (1.770), Fadil Lokvančić (1.752), Ahmed Krupalija (1.633), Amel Pintol (1.581), Alma Vatrić (1.536), Džana Šaćić (1.441), Alma Avdić (1.440) i Tarik Stambolić (1.378).

Demokratska fronta: Amar Kečo (562), Emna Milišić (485) i Nedžad Tinjak (418).

SDP BiH: Samir Avdić (728), Smiljana Viteškić (513) i Mirza Alijagić (448).

SBB Fahrudin Radončić: Dževad Poturak (471), Faik Hadrović (408) i Kemal Habibija (375).

Naša stranka: Elvis Vreto (451), Redžo Lemezan (290) i Azra Jahić (287).

Prva stranka: Dino Hadžić (202) i Samir Šišić (182).

Stranka za BiH: Mirsad Madeško (397).

Napredna demokratska stranka: Amir Džino (331) te **BPS-Sefer Halilović:** Miro Grbavac (248).

Raspored mandata - 31



Počeli radovi na izgradnji gasovoda u MZ Blažuj



U mjesnoj zajednici Blažuj u ulici Remze Ahmetovića 11. oktobra 2016. godine počeli su radovi na izgradnji dijela polietilenskog gasovoda. Ukupna dužina gasovoda je 2920 metara, a snabdjevat će gasom lokalitet mjesnih zajednica Blažuj i Osjek. Ovo je zajednički projekat Općine Ilidža i KJKP „Sarajevogas“-a. Ovo je prva faza radova u dužini od 400 metara čija ukupna vrijednost je 115.613 KM koje će Općina sufinansirati u iznosu od 95.454 KM, te obezbijediti građevinsku dozvolu za izgradnju, obezbijediti dozvole za prokope javnih površina i po završetku radova voditi postupak izdavanja upotrebne dozvole.

Izvođač mašinskih i građevinskih radova po važećim propisima je KJKP „Sarajevogas“ koji će izraditi i projektnu dokumentaciju. Rok za završetak radova na izgradnji ovog dijela je 90 radno podobnih dana od dana uvođenja u posao. Izgradnjom ovog gasovoda stvorit će se uslovi za ekološko poboljšanje kvaliteta zraka na području općine Ilidža i Kantona Sarajevo.

Općina dodijelila 118.800 za liječenje teško oboljelih, a 200.000 KM za socijalno ugrožena lica



Već treću godinu zaredom Općina Ilidža izdvaja značajna sredstva za liječenje teško oboljelih lica.

Ove godine za te namjere planirano je 120.000 KM. Do sada je Komisija, u čijem sastavu je pet ljekara, dodi-

jelila 118.800 KM za 60 korisnika. Visina pomoći zavisi od vrste bolesti i iznosi od 1.000 do 5.000 KM. Svi koji imaju potrebu za takvom vrstom pomoći obavezni su dostaviti Općini Ilidža, odnosno Službi za rad, socijalna pitanja, zdravstvo, izbjeglice i raseljena lica dokumentaciju sa dijagnozom bolesti sa preporukom konzilija ljekara za liječenje ili prijedlogom za odlazak na liječenje van granica BiH.

Kad je u pitanju potreba za ortopetskim pomagalicama dovoljno je da se dostavi predračun na kojem će stajati potrebni iznos novca koji će participirati Zavod za zdravstveno osiguranje, a ostali dio će finansirati Općina.

Ove godine Općina Ilidža je za jednokratne novčane pomoći socijalno ugroženim licima dodijelila 200.000 KM.

Ovo pravo iskoristilo je 800 lica u stanju socijalne potrebe. Socijalne pomoći također se donose na osnovu ocjene Komisije za dodjelu jednokratnih novčanih pomoći.



Završena rekonstrukcija ulica u tri mjesne zajednice

Na području općine Ilidže završeni su radovi na rekonstrukciji ulica u tri mjesne zajednice. U mjesnoj zajednici Rakovica završeno je asfaltiranje u ulici Česma i to dužine 240 metara, širine tri metra. Vrijednost radova je 20.000,00 KM, investitor je Općina Ilidža, a izvođač radova je GP ing d.o.o.

U Mjesnoj zajednici Otes, ulica Cap Anamur dobit će novi asfalt, dužine 185 metara, a širine tri metra. Općina Ilidža kao investitor izdvojila je 15.500,00 KM, a izvođač radova je GP ing d.o.o.

Ove godine za stipendije planirano 475.000 KM

Općina Ilidža i ove godine, školske 2016/2017. na ime stipendija planirala je izdvojiti sredstva u iznosu 475.000 KM. Stipendije se daju u tri kategorije: talentirani, učenici i studenti slabijeg imovnog stanja i djeci bez roditeljskog staranja.

U školskoj 2015/2016. stipendiralo se 309 talentiranih učenika i studenata, 127 učenika slabijeg imovnog stanja i 39 bez roditeljskog staranja.

Iz Budžeta je za stipendiranje talentiranih učenika izdvojeno 278.620 KM, za kategoriju slabijeg imovnog stanja 107.750 KM i za djecu bez roditeljskog stanja 40.800 KM.

U toku je obrada pristiglih prijava na konkurse za stipendiranje, a konačnu odluku donijet će Općinsko vijeće.

U mjesnoj zajednici Blažuj završena je rekonstrukcija ulice Plantaže, dužine 195 metara, širine tri metra. Izvođač radova je GP ing d.o.o, a Općina Ilidža je investitor, te je za radove izdvojila 17.300,00 KM.

Također u Mjesnoj zajednici Blažuj završeni su radovi u još jednoj ulici. Riječ je o ulici Vidovci dužine 300 metara, širine tri. Investitori su Općina Ilidža 70 posto i građani 30 posto. Vrijednost radova je 25.504,00 KM, a izvođač radova Sarajevoputevi d.d..

U toku su radovi u mjesnoj zajednici Rakovica u ulici Rudnik, dužine 300, a širine 3 m. Vrijednost radova je 22.500,00 KM, izvođač radova Sarajevoputevi d.d., dok su investitori 70 posto Općina Ilidža te 30 posto građani.

I ove godine Općina finansira đačke užine za učenike slabijeg imovnog stanja



Općina Ilidža i ove godine izdvojila je sredstva za finansiranje đачkih užina za učenike koji su slabijeg imovnog stanja. Putem Službe za obrazovanje, kulturu, sport i informisanje u saradnji sa 10 osnovnih škola sa područja ove općine finansirat će se kupovina užina za učenike u stanju socijalne potrebe. U prvom polugodištu za školsku 2016/2017. izdvojeno je 8.000 KM.

U drugom polugodištu 2015/2016. Općina je finansirala kupovinu 260 đачkih užina i izdvojila 8.000 KM, što je u ovoj godini 2016. ukupno 16.000 KM

Prijem za organizatore Memorijalnog turnira "Braća Bašović"

Općina Ilidža bila je domaćin, 15. oktobra, 14. po redu Međunarodnog memorijalnog turnira "Braća Bašović". Manifestacija je održana u KSC Ilidža.

Memorijal je organizovan u znak sjećanja na dvojicu istaknutih bh. sportista i patriota Behudina i Bidu Bašovića, uz učešće najboljih boraca iz BiH, Turske, Austrije i Švicarske. Meč večeri bit će borba između Edina Puhala i Emre Altentasa. Supervizor turnira je Peter Shutz iz Švicarske. Tim povodom u Općini Ilidža 14. oktobra načelnik Općine prof. dr. Senaid Memić upriličio je prijem za



Hebib uručio sliku načelniku Memiću

Adin Hebib proslavljeni bh. slikar 25. oktobra bio je gost Općine Ilidža. Tom prilikom uručio je sliku načelniku prof. dr. Senaidu Memiću "Tvoj i moj grad". Slika, ulje na platnu rađena 2016. godine simbolizira prijateljstvo.



predsjednika Proboksa saveza BiH Zaima Numanovića, organizatora turnira Džemu Bašovića i Harry Gorjana, potpredsjednika Hrvatskog saveza profesionalnog boksa.

Nečelnik Memić uz riječi dobrodošlice, predstavio je potencijale Ilidže, kako ekonomske tako i sportske, te istakao zadovoljstvo što je Ilidža domaćin turnira.

"Općina Ilidža će pomagati u okviru svojih zakonskih mogućnosti sportiste koji su na svakom takmičenju najbolji ambasadori, kako Ilidže, tako Sarajeva, a i države BiH", dodao je Memić, te poželio uspješan turnir.

Općina finansira prijevoz učenika koji imaju probleme u kretanju

Općina Ilidža u saradnji sa Ministarstvom za obrazovanje, nauku i mlade KS i ove godine finansira prijevoz učenika osnovnih i srednjih škola koji imaju probleme u kretanju, kao i njihove pratiocice.

Za prvo polugodište školske 2016/2017. godine do sada je izdvojeno 14.000 KM, a time je osiguran besplatan prijevoz za 46 učenika, sa pratiocima.

U drugom polugodištu 2015/2016. godine za ove namjene izdvojeno je 16.703 KM za 53 učenika. Trenutni korisnici ovog vida podrške su učenici i njihovi pratioci koji pohađaju Centar „Vladimir Nazor“ Sarajevo, Centar za slušnu i govornu rehabilitaciju, Centar za slijepu i sla-

bovidnu djecu i omladinu, Školu za srednje stručno obrazovanje i radno osposobljavanje i Zavod za specijalno obrazovanje i odgoj djece „Mjedenica“, kao i učenike osnovnih i srednjih škola sa područja općine Ilidža.



Otvoren hotel Hills

Uz prisustvo brojnih zvanica iz javnog i kulturnog života 22. oktobra svečano je otvoren Hotel Hills Sarajevo.

Congress&Termal Spa Resort zajedno sa Hotelom Hollywood Sarajevo i Termalnom Rivijerom čini jedan od najvećih turističkih kompleksa u našoj zemlji. Crvenu vrpču presijekao je načelnik Općine Ilidža prof. dr. Senaid Memić i vlasnik hotela Saljo Mrkulić.

Zvanice koje su uveličale ovu svečanost imale su priliku da prošetaju crvenim tepihom, a nakon toga uslijedio spektakularan vatromet.

Hotel Hills, Termal & Spa Resort Sarajevo zauzima oko 35.000 m², a obuhvata 261 komfornu, sofisticiranu, luksuznu sobu i apartmane, višenamjenski kongresni centar s modernom konferencijskom tehnologijom, termalne toplice, unutrašnje i vanjske bazene, adrenalin park za djecu i odrasle na impresivnih 2.200 m², dvoranu za vjenčanja, restoran s tradicionalnom bosanskom i internacionalnom kuhinjom te atraktivan panoramski Sky Bar restoran i lounge bar na vrhu hotela sa panoramskim pogledom na zelenu okolinu hotela, kao i pogled od 360



stepeni na glavni grad. Kapacitet konferencijske dvorane je 1.500 mjesta. Ostale kongresne dvorane kapaciteta su sa po 180, 150 i 100 mjesta. Sve dvorane imaju svu najsavremeniju konferencijsku opremu.

Na svečanom otvaranju je istaknuto da su sve radove izvodile domaće firme, a da je ugrađena oprema vrhunskih svjetskih proizvođača.



LC Waikiki na Ilidži

Vodeći turski modni brend, LC Waikiki je otvorio svoju prvu prodavnicu na Ilidži u Grand Centru. Prodavnica zauzima gotovo 1400 metara kvadratnih, zapošljava dvadeset četiri zaposlenika, a nudi odjeću za bebe, djecu i tinejdžere kao i kolekcije za žene i muškarce. LC Waikiki je jedan od svjetskih lidera ready-to-wear industrije. Waikiki kao brand postoji od 1985. godine, a kao LC Waikiki posluje u Turskoj od 1997. godine. Ekspanzija brenda na međunarodnim tržištima je počela prije 17 godina. Svečanim presijecanjem vrpce prodavnicu su otvorili načelnik Općine Ilidža prof. dr. Senaid Memić, Sinan Šahin, direktor LC Waikiki i Alija Gadžo, predsjednik Upravnog odbora ANS Drive.

Prvi Porodični urbansajam na Ilidži

Udruženje Urbani menadžment organizovalo je prvi bh. Porodični urbansajam, a održavao se od 7. do 9. oktobra 2016. godine u najatraktivnijem prostoru – Kongresnom centru novog Hotela Hills i Termalne rivijere Ilidža koji je vrhunski uređen po posljednjim standardima. Uz veliki broj izlagača, uz cjelodnevni program po sasvim novom konceptu, održano je savjetovanje iz različitih oblasti, nagradne igre, takmičenja, programi i noviteti za djecu, garderoba, kozmetika, obuća, igračke, literatura, prehrana i sl., tako da je sajam bio potpuno drugačiji od dosadašnjih sajmova.

“Htjeli smo da napravimo nešto novo i da tako privučemo posjetioce kojih je zadnjih godina sve manje jer svi sajmovi liče jedni drugima. Kako bismo sadržaje sajma približili ljudima, uzeli smo lokaciju koja je pravi potez jer na Ilidži do sada nije bilo sajmova ovakvog tipa”, kazala je Lončarić.

Cilj je bio omogućiti roditeljima savjetovanje sa pedijatrima, da razgovaraju sa gostima o novim klinikama za plodnost parova, o matičnim ćelijama i njihovoj koristi, o gojuju i obrazovanju djece.

Uz kulturno-umjetnički program na kojem su učestvovala djeca iz predškolskih i školskih ustanova, bilo je takmičenja za bebe u puzanju i trčanju, takmičenje sumo hrvača, ples, igre bez granica. U posebnom dijelu sajamskog prostora, tzv. gumenom gradu, djeca su imala priliku za igranje. Također i djece iz predškolskih i školskih ustanova imali su svoje tačke.

Sajam je otvorio načelnik Općine Ilidža prof. dr. Senaid Memić koji je istakao zadovoljstvo da se ovakve manifestacije održavaju na Ilidži, jer posjetioци mogu da vide ljepote koje ima Ilidža, kao i da se ljudi približe jedni drugima, a podsjetio je i na važnost porodice.



Općini uručena Monografija KUD Gajret

Džemo Hurić, predstavnik KUD "Gajret" 21. oktobra 2016. uručio je Denisu Muhoviću, pomoćniku načelnika za obrazovanje, kulturu, sport i informisanje i načelniku Općine Ilidža prof. dr Senaidu Memiću "Monografiju KUD Gajret 1993-2013. godine".

U Monografiji je prikazan rad društva od 1903. do 2014. godine.

Džemo Hurić je istakao zadovoljstvo i zahvalnost Općini Ilidža za podršku radu ovom društvu, a i za dugogodišnju pomoć u realizaciji projekata.



Realizovan projekat "Pravilno odlaganje i razvrstavanje otpada"

Prema planu i programu rada Ekološkog udruženja Aleja za 2016. godinu od 21. do 25. oktobra 2016. godine u saradnji sa osnovnim i srednjim školama Općine Ilidža realizovan je projekat "Pravilno odlaganje i razvrstavanje otpada". Članovi EU "Aleja" obišli su sve osnovne i srednje škole na području općine Ilidža i dodijelili direktorima i predstavnicima škola panoe koji sadrže rok razgradnje, pravilno odlaganje otpada sa tekstom o mogućim posljedicama nepravilnog odlaganja otpada, dodijeljeni su i eko cekeri sa letcima. Članovi EU "Aleja" su razgovarali sa predstavnicima škola o problemima koji su vezani za projekat, te obostrano izrazili želju za saradnju u narednom periodu.



Iz Udruženja su uputili poruka sugrađanima, da u svrhu zaštite okoliša i boljih uslova za život svi bi trebali biti obavezni promijeniti način neodgovornog ponašanja prema našoj životnoj sredini. Odlaganje otpadnog materijala je globalni problem. Ako ljudi promjene način ponašanja u lokalnim zajednicama i globalno rješenje problema može biti na putu ka rješenju, kažu u poruci.

Eldin Bučan najbolji šahista

U prostorijama Šahovskog kluba "Igman" Ilidža održan je Memorijalni turnir u šahu "Hajrudin-Hajro Juković". Prvo mjesto pripalo je Eldinu Bučanu sa osvojenih 17 bodova, drugo mjesto Nedžadu Dediću koji je imao 15 bodova, treće Vehbiji Gojaku sa osvojenih 14,5 bodova, a četvrto mjesto zauzeo je Džeko Škrijelj sa 13,5 bodova.



Više od 150 djece posjetilo je Obrazovno-raznodni centar za mlade SPAJALICA tokom Dana otvorenih vrata, koji je održan 21. oktobra 2016. godine.

Dan otvorenih vrata SPAJALICE održan je od 10.00 do 12.00 sati, a za sve posjetioce organizovano je druženje, sportske aktivnosti, te edukativne i zabavne radionice. Centar su posjetili učenici osnovnih škola sa područja općine Ilidža, ali i dječaci i djevojčice iz drugih dijelova grada. Dan otvorenih vrata Obrazovno-raznodnog centra za mlade SPAJALICA tradicionalno se održava svake godine, uz podršku Općine Ilidža.

Sjećanje na heroje

U organizaciji Udruženja boraca Prva samostalna brigada Stup-Ilidža i Općine Ilidža u prisustvu rodbine, saboraca, prijatelja i pripadnika boračkih udruženja, 7. oktobra 2016. godine na Stupu u Azićima obilježena je godišnjica pogibije heroja Mehe Porobića i Ivica Stanića, dobitnika najvišeg ratnog priznanja „Zlatni ljiljan“. Delegacije boračkih udruženja, Općine Ilidža, Ministarstva za boračka pitanja Kantona Sarajevo i članovi porodica položili su cvijeće na mjesto pogibije na spomen ploču i odali im dužno poštovanje. Meho Porobić pukovnik i načelnik štaba 102. motorizovane brigade pored Zlatnog ljiljana dobitnik je i Ordena za vojne zasluge sa zlatnim mačevima. Poginuo je 8. oktobra 1992. godine u borbi za Aziće. Na istom mjestu život za odbranu države časno je položio i major Ivica Stanić koji je ostao da brani svoje ognjište i komšije. Prisutnima se obratio Dževad Rađo ratni komandant Treće motorizovane brigade koji je evocirao uspomene na ove ratne heroje i na te sudbo-



nosne dane kad su se vodile odsutne bitke za odbranu ovih prostora, Sarajeva, a i Bosne i Hercegovine, oktobra 1992.



Obilježene 24 godine od bitke za Hojtu

U organizaciji Četvrte viteške brigade 28. oktobra obilježeno je 24. godine od oslobađanja Hojte, Šiljka, Javorika.


Brojne zvanice iz Općine, kantona, bivši komandanti, suborci, oficiri skupili su se da se prisjete bitke koja je imala veliki značaj za odbranu.

Učenici osnovnih škola poslušali su historijski čas u selu Lukavac, a brojne delegacije položile su cvijeće i proučile Fatihu.

Osnovcima, da se ne zaboravi

U organizaciji Udruženja Četvrte viteške motorizovane brigada Ilidža 28. oktobra obilježeno je 24 godine od "Operacije oslobađanja Hojte, Šiljka, Javorika, Lisičije glave, Kočarina i Ljuljove stijene".

Predstavnici Općine Ilidža ispratili su, s Terminala, učenike osnovnih škola i to iz Druge, Četvrte, Pete i Osme osnovne škole "Amer Čenanović", za koje je održan historijski čas na lokalitetu sela Lukavac, o presudnoj borbi na Hojti.



Uticaj dijabetesa na krvne sudove

U organizaciji Udruženja "Obiteljska pomoć" Ilidža 31. oktobra održana je peta u nizu tribina "Uticaj dijabetesa na krvne sudove". Kako nam je rekao Izudin Kadrić, predsjednik Upravnog odbora Udruženja "Obiteljska pomoć" prisutni građani su se upoznali sa kompletnom problematikom bolesti i načinom liječenja.

"Važno je istaći da smo učinili značajne pomake u oblasti socijalne zaštite i da smo se potrudili da naše sugrađane informišemo i pomognemo im. U kontaktu sa doktorima mogli su da postavljaju pitanja, da dobiju preporuku, savjet, te zakazati pregled. Bili smo u prilici ući u mnoge domove, te nekad medicinskim, a nekad pake-

tom prehranbeno-higijenskim sredstva pomoći ugroženim, najčešće osobama starim i bolesnim. Našim sugrađanima pomogli smo u dodjeli korištenja namjenskih bolesničkih kreveta, hodalica, invalidskih kolica itd. Tu na žalost, moram istaći da su nam ograničena sredstva i da ne možemo izaći svim sugrađanima u susret. Ništa manje nije važna ni naša koordinacija sa ljekarima KCUSA u vidu pomoći oko smještaja, pregleda, operativnih zahvata. Mislimo da radimo društveno koristan posao, human, stresan i težak ali ipak onaj osjećaj sreće kad vidite da ste nekom pomogli je nešto veliko" rekao nam je Izo Kadrić, te zahvalio uposlenicima Općine Ilidža, Općinskom vijeću, i načelniku lično na pomoći koju pružaju ovom udruženju.

Održan

14. Međunarodni memorijalni turnir

"Braća Bašović"



Međunarodni memorijalni turnir "Braća Bašović" održan je 15. oktobra u KSC Ilidža.

Turnir je otvorio načelnik Općine Ilidža prof. dr. Senaid Memić. Memorijal, 14. po redu, organizira se u znak sjećanja na dvojicu istaknutih bh. sportista – Behudina i Bidu Bašovića, a učestvovali su najbolji borci iz BiH, Turske, Austrije i Švicarske. Prvak Evrope u UBF verziji Edin Puhalo alias Iron Puki, na 14. Međunarodnom turniru u boks "Braća Bašović", u glavnoj borbi večeri tehničkim nokautom u trećoj rundi pobijedio je Emrea Altintasa, koji boksuje za Njemačku.

